

# Lied an d Helvetia

© Aernschd Born Text Musik 2010

Genre	Chanson zur Unzeit, Basler Mundart
Kurzbeschreibung	Lied an Bettina Eichins sitzende Helvetia in Basel / geschrieben zum 30-jährigen Jubiläum
Veröffentlicht auf	Youtube
Besetzung	Aernschd Born Gesang Gitarre Instrumente
Aufgenommen	Kulturpavillon Basel 2010
Anhören	<a href="http://www.musicday.com/player/?band=aernschd-born&amp;song=O4M">http://www.musicday.com/player/?band=aernschd-born&amp;song=O4M</a>
Ansehen	<a href="http://www.youtube.com/watch?v=pBZEmR3ZXi8&amp;feature=relmfu">http://www.youtube.com/watch?v=pBZEmR3ZXi8&amp;feature=relmfu</a>

## 1 A

Vor drissig Johre scho  
Bisch du do ane ko  
Du wärisch gärn vo do  
Im Schiff uff und drvo

So hesch uf däm Plateau  
Di zerscht mol niider glo  
Do uff dim zarte Po  
Im schöne Kimono

## 2 A

Kuum han ich das vernoh  
Han ich di gfrogt wieso  
Du do so dr Chapeau  
Hesch gno zum uns verloh

Du hesch halt welle go  
Zum nümmi müesse schtob  
Zu sälle Zueschtänd vo  
Dr Confoederatio

## 1 B

Du wöttisch nümmi so  
Sii wie mir andre do  
Du wött inkognito  
Das änge Land verloh

Und sithär hoggsch du do  
Das macht di nit grad froh  
S isch au no käine ko  
Wo di het mit sich gno

## 3 A

Käi schöne Romeo  
Käi gschiide Gigolo  
Käi Bobo, käi Hugo  
Du wartisch immer no

Ich ka das guet verschtob  
Zwor wötttsch am liebschte go  
Und d Schwiz hinter dir lo  
Doch schüüchsch du s Risiko

## 2 B

Drum wartisch no Bitz  
Bi Räge und bi Hitz  
Harrsch uf dim harte Sitz  
Statt dört im Kaffi Schpitz

Du träisch am Schild di Krüz  
Di Lanze isch e Witz  
Di Koffer isch voll Schtütz  
Das isch halt typisch Schwiz

## 4 A

Dr Sehnsucht hindenoh  
Het uns di Härz verloh  
Und d Dräum hesch mit dr gno  
So hesch is do lo schtob

Doch hämmir nodisno  
Di Wält noch Basel glo  
Kumm, kehr di um, muesch nümmi go  
Kasch widr zuenis ko